

Tusigaigoa a le malo o Amerika CENSUS 2020

E valaaulia uma tagata uma ina ia maitauina uma tagata uma o lou aiga, o loo nonofo faatasi I le fale e tasi, ina ia maua se aofa’I o le outou aiga. O le tusigaigoa a Amerika e fia maua ai se maitauina aofa’I o tagata uma o loo nonofo I Amerika. O le aofa’I fo’I o tagata ‘ese’ese e fia maua e le malo o Amerika ina ia iloa pe to’afia le aofa’I o Samoa ma isi atunuu uma o loo nonofo I fea le nu’u ma lea nu’u. E aoga uma nei faitau ina la iloa ai le aofa’I o se fesoasoani vaega a tupe e tatau ona mauaina e lea vainuu ma lea vainuu o Amerika – ina ia fesoasoani I le faatinoina o vaega tupe maua – e lea vainuu ma lea vainuu – ae a polokalame faatupe e fesoasoani I tagata eseese mo ituaiga eseese o fesoasoani e fia maua – e pei o le soifua maloloina, tamaiti a’oga, tagata matutua, o fale e nonofo ai, faiga o auala feoa’I, tagata mama’I, o nofoaga faaleaga ona o savili malolosi ma lolovai, ma isi lava fesoasoani e tele.

E tele faasalalauga o le a o atu ia te outou I outou aiga. E o atu nei faasalalauga ia te oe I le meli mai le falemeli, atoa fo’I ma le o atu o tagata faigaluega a le nei polokalame I le outou fale. Faamolemole ia outou nofo uta lelei iai. Soo se faasalalauga lava o le a tusia ai poo faaleo atu ai le autu ole tusigaigoa – CENSUS 2020.

E tusa e 95% o faasalalauga o le a o atu I le meli. E tusa 5% o le tusigaigoa o le a taumomoli atu e tagata faigaluega I le outou fale. Ae la’ititi ifo ma le 1% o le tusigaigoa, e o atu tagata faigaluega e outou talanoa ma faamatala fesili o le tusigaigoa ile outou aiga. E iai fo’I auala ua fuafuaina mo le faitauina o tagata e le’o nonofo I aiga, e pei o tagata o lo’o nonofo I a’oga maualuluga e pei o Kolisi eseese ma tagata o loo I vaega o le Militeli.

E tele uiga eseese e mafai ona faaaoga e tali a’I fesili o le tusigaigoa. E mafai ona faaaoga le imeli, facebook, ma le internet. E mafai fo’I ona faatumu au fesili I luga o le internet. O le a faamatalaina uma atu na uiga I le tusi mai le ofisa tele o le CENSUS 2020 pe a alu atu I lou fale I le meli.

Mati 12, 2020 – O le a alu atu I le meli tele, lau valaaulia mo le tusigaigoa.

Mati 16, 2020 – O le a alu atu I le meli tele, le tusi faamanatu, pe a faapea e te le’I taliina le tusi muamua.

Mati 26, 2020 – Aperila 3, 2020 – O le a alu atu I le meli tele, le pepa faamanatu.

Aperila 8 – 16, 2020 – O le a alu atu I le meli tele, le tusi faamanatu ma fesili mo le tusigaigoa.

Aperila 20-27, 2020 – O le a alu atu I le meli tele, le faamanatu mulimuli, ona sosoo ai lea ma le asiasiga o oe I lou fale.

E sili pe a e tali I tusi o le CENSUS 2020 pe a lafo atu I lou fale. Aua – a le taliina, o le a asiasi atu tagata I lou fale. Faamolemole talia ma le fiafia feau fesili mo le tusigaigoa a Amerika o le CENSUS 2020, o se taumafaiga aoga ma le taua I o tatou ola faaletagata in Amerika. O le aofa’I o tagata e iloa ai le aofa’I o vaega tupe e fia maua mo lea vainuu ma lea vainuu, ae maise fo’I le faavasegaina o tagata eseese o loo nonofo I Amerika ma ituaiga o fesoasoani e fia maua mo tatou uma. Mana’omia lau fesoasoani mo lea taumafaiga aoga!